

माता पिता रो एहसान रे नादान मनवा भूलो मती लिरिक्स



भूलो मती रे बंदा भूलो मती,
माता पिता रो एहसान रे नादान,
मनवा भूलो मती।bd।

नौ महीना थारो गरभ उठायो,
जन्म दियो प्यारी गोद में खिलायो,
आला सु उठाई थाने सुखा में सुलायो,
झूला में झूलायो गणों लाड लडायो,
भूलो मति वे बाता भूलो मति,
थाने दिलाई रे पहचान रे नादान,
मनवा भूलो मती।bd।

थारी खुशी रा खातिर करी वे मजुरी,
शिक्षा पड़ावा ताई करी भागा दौड़ी,
गाजा बाजा सु थारे लाया रे बहू भी,
वे दुख देख्यो थारी आशा करी पूरी,
देवों मती रे छेटी देवों मती,
हो करके थे जोध जवान रे नादान,
मनवा भूलो मती।bd।

अब तो लाडी री बाता प्यारी प्यारी लागे,
माता पिता री बाता खारी खारी लागे,
अब क्यों बुढ़ापा माही दूर-दूर भागे,
भुल्यो पेला री बाता प्रेम क्यों ना जागे,
देवो मती रे छेटी देवो मती,
थोड़ा दिनारा मेहमान रे नादान,
मनवा भूलो मती।bd।

माता पिता की सेवा तीर्थ कहावे,
आशीर्वाद से चारों धाम हो जावे,
दुख जो दियो वो कदी सुख नहीं पावे,
जैसी करेला बंदा वेसो फल पावे,
भुलो मती रे बाता भुलो मती,
नानु पंडित दिज्यो ध्यान रे नादान,

समस्त भजनों के लिरिक्स और विडियो बिना इंटरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



भूलो मती रे बंदा भूलो मती,
माता पिता रो एहसान रे नादान,
मनवा भूलो मती।bd।

गायक / प्रेषक – देव शर्मा आमा ।
8290376657